

經方應用五



經方應用

泰州武國良簡侯編纂

白虎湯類

三陽合病腹滿譫語身重難以轉側傷寒論主用

白虎湯

知母_{七〇} 甘草_{二五} 粳米_{一四五} 石膏_{二〇〇一〇〇〇}

右細剉以水二合煎一合去滓一日分三回冷服

証狀表現 節錄原文 三陽合病腹滿身重難

以轉側口不仁而面垢譫語遺尿脈浮滑此表(作裏)

有熱裏（作表）有寒傷寒脈滑而厥者裏有熱也白虎湯主之

編者按 閻德潤氏以活人書作表裏有熱為恰吾亦以為然

補充 表解身熱多汗頭暈胸中煩熱渴欲飲冷面紅氣粗口舌乾燥脈洪大滑數（或脈小無力）或手足厥冷胸腹熱劇（用手掌按病人皮膚則有一種灼熱感）口苦乾燥尿色赤濁或頭上有汗身發赤斑大便秘等

立方意義 本方証由內熱充斥消耗各臟器

內在水分尤其水谷之海胃首當其衝無水分以上
輸則在上之水分失矣故發現口渴欲飲無水分以
下降則在下之水分失矣腎亦失開闔之力矣故發
現遺尿及尿現赤濁更因熱甚而發譫語身重手足
冷厥或身發赤斑等証茲君以甘寒之石膏降胃火
潤枯燥鎮靜鎮瘕止渴解熱臣以苦寒之知母瀉腎
火除骨蒸鎮靜滋陰止渴除煩佐以甘草之甘平增
加唾液緩和急迫粳米之甘平滋養中宮潤膜止渴
合用以潤燥止渴滋陰解熱緩急鎮瘕調護中宮熱
其有不解渴其有不止者哉熱渴既解上下水分得

復其餘一切諸証尚有留戀不解者哉

治療標的 以胸腹熱劇大渴引飲煩躁譫語
為主標的頭暈身重赤斑脈洪大滑數等為副標的
而用之

諸家經驗談 醫學綱目孫兆治一人自汗兩
足逆冷至膝下腹滿人事不省孫診六脈小弱而急
問其所服藥取視之皆陰病藥也孫曰非受病重藥
能重病耳遂用五苓散白虎湯十餘帖病稍甦再服
全愈

成績錄 一丈夫患疫經二十餘日譫語不識



人舌上有黑苔遺尿不大便午後煩熱悶亂絕食數日兩脚痿弱足微腫先生診之即與白虎湯兼用黃連解毒散不日全愈

生生堂治驗

近江屋某兒因中暑身灼熱煩

渴四肢懈惰一醫與白虎湯二旬餘猶未效先生曰某氏治法非不當也然不愈者劑輕故也即倍前藥與之須臾發汗如流翌日索食不日痊愈

醫學入門

白虎湯治一切時氣瘟疫雜病胃

熱咳嗽發斑及小兒痘瘡癰疹伏熱等証

名醫類案

項彥章治一人病甚諸醫皆以為

瘵盡愕束手項診之脈細數而且實細數者暑也暑傷氣宜虛今不虛而反實乃熱傷血葯為之也家人問死期曰何得死為作白虎湯飲之即瘥

大塚敬節 中風眩暈非白虎湯不為功

溫病研究 發狂特見於白虎証

簡侯 曾治本市城內前縣立圖書館長陳季明先生罹熱病身熱無食欲口渴飲水頭昏大便秘小便赤濁卧不能起已七八日服葯不解召我往治胸腹熱甚少汗脈洪大有力為擬白虎湯陳亦知醫者見處方有石膏用至兩許懼不敢服告以此方石

膏非大量不可且僅服一帖明日再改方始允照服次日往診據訴服後身汗熱減大便雖行僅數枚不甚快利可吃稀粥少許改用大柴胡湯與服二帖身熱盡去大便爽利食慾復常而治矣

又北鄉陸家莊農民陸姓暑日得病身大熱無汗身重難以轉側頭昏譫語嘔吐不食舌淡黃苔小便紅大便秘脈滑大延余治與白虎湯服後身汗熱退能轉側大便雖行而不利脈兩手較緩苔黃薄轉調胃承氣湯未盡二帖而全愈

又泰州新城盧姓農婦姪娘已六七個月身

大熱有汗昏糊不食眩暈嘔吐口渴甚入水亦吐脈
數而有力舌苔黃而欠津大便二三日未行小便熱
赤手足不溫時有寒戰肢體痠疼坐卧不寧諸醫皆
束手予考慮至再放胆用白虎湯加黃連少許分二
次微溫服僅一帖次日來診嘔吐已止身熱暈昏亦
減退尚未大便為擬黃連解毒湯僅一帖次日來診
大便通暢身涼脈靜神清能食粥一二碗自訴無所
苦為擬麥門冬湯二三帖調理而愈

諸家緒論 活人書化斑湯(即本方加姜蔥)治

斑毒本方加蒼朮名白虎加蒼朮湯治濕溫病

幼科大全 白虎湯治小兒馬脾風

按 蘊要白虎與小柴胡合方名參胡石膏湯
赤水玄珠名小白湯亦有名柴白湯者

治病法軌 白虎湯如左脈浮虛或細弱者加
生熟地

瀉疫新論 挾熱下利六脈洪大口唇乾燥有

柴胡湯証者合白虎湯名小白湯若心煩者加黃連
錢潢 若胃實痛者為有形之邪當以承氣湯

下之此但外邪入裏為無形之邪故用寒涼清肅之
白虎湯以解陽明胃腑之邪熱



憑証使用 麻疹瘡疾腸傷寒日射病頭痛眼
目痛齒痛齒牙發生困難証咽喉痛狂病熱性下利
及其他之熱性病等

以下白虎湯之加味方

白虎湯証汗多氣虛心下有痞滿之狀者加人參傷
寒論金匱名

白虎加人參湯

知母六。石膏一〇。一〇。〇。甘草一八 粳米一二。
人參三。

煎法用法同前

時

証狀表現 傷寒論服桂枝湯大出汗後大煩
渴不解脈洪大者若吐若下後（金鑑云當有若汗二
字）七八日不解熱結在裏表裏俱熱熱時惡風大渴
舌上乾燥而煩欲飲水數升者傷寒無大熱口燥渴
心煩背微惡寒者傷寒脈浮發熱無汗其表不解者
不可與白虎湯渴欲飲水無表証者白虎加人參湯
主之

金匱 太陽中熱者喝是也汗出惡寒身熱而
渴白虎加人參湯主之

補充 當有心下痞硬証

化

立方意義 白虎湯証加人參為鼓動心臟機能之強度而去痞硬同時與甘草粳米調護中宮滋其他源而使津液不致虛虧同伍石膏知母藉其輔助之力尤能克奏解熱解渴之功

治療標的 以白虎湯証而心下有虛性痞硬者為主標的而用之

諸家經驗談 漫遊雜記一男子患氣疾兩脈洪數心下痞堅大便燥結寢寐不安語言失理稱王稱帝余以三聖散吐之二回後與參連白虎湯(即本方加黃連一味也)三十餘日全愈

病因備考 一男子年六十餘其鼻不聞香臭者四年來請治余曰病以積年藥無益也翁曰某自少壯即易氣逆幸逆氣得治足矣余乃漫然作白虎加參連湯與之六十餘日忽聞香臭而後平

名醫類案

汪石山治一人年三十餘形瘦弱

忽病上吐下瀉水漿不入口者七日自分死矣汪診脈八至而數月當夏而得是脈暑邪深入也吐瀉不納水穀邪氣自甚也宜以暑治遂以人參白虎湯進半杯良久復進一杯覺稍安三服後減去石膏知母以人參漸次加作四五錢黃柏陳皮麥冬等隨所兼

曰



日

病而佐使一月後平復 又一倉官夏季時病胸項
多汗兩足逆冷譫語醫者不曉雜治經旬羅謙甫診
之關前濡關後急當作溼溫治蓋先受暑後受濕暑
溼相搏是名溼溫先以白虎加人參湯次以白虎加
蒼朮湯（白虎湯加蒼朮一味）頭痛漸退足漸溫汗漸
止三愈

生生堂治驗 草廬先生年七旬病消渴引飲

無度小便白濁周殫百治頗效日加舉家以為不愈
病者亦囑辦後事矣先生診之脈浮滑舌燥裂心下
硬曰可治乃與白虎加人參湯百餘帖全愈

諸家緒論

徐同知方人參白虎湯（即本方）治

伏暑發渴嘔吐身熱脈虛自汗

方輿輓

此方之正証為汗大出有微惡寒身

熱大渴引飲也

病因備考

消渴未經年月者雖五十以上間

有得治者白虎加人參湯主之世醫多以此病為難

治者畏石膏故也

類聚方廣義

治霍亂吐瀉後大熱煩躁大渴

引飲心下痞硬脈洪大者又治瘧病大熱如烙謔

語煩躁汗出淋漓心下痞硬渴飲無度者



皇漢醫葯全書 本方治惡性熱病 又解熱

困難之証用此方甚妙或加黃連名參連白虎湯

傷寒辨証 長沙所主白虎及白虎加人參湯

八証皆主熱病煩渴表裏大熱蓋溫病熱病之邪自
內出外本非暴感風寒故不宜發汗又熱發於外內
邪不實不可峻下故宜此湯及竹葉石膏湯黃連解
毒湯選用

保赤全書 人參白虎湯（即本方）治盛暑煩渴

痘出不快又解麻痘斑痧等熱毒

活人辨疑 化斑湯（即本方）治赤斑口燥煩渴